

潛江縣志卷之十九

知縣事劉煥纂修

知縣事史致謨續纂

藝文志上

詩 閩秀附

大哉文乎刻之金石與天壤相弊書之竹素與日月並
懸者其文傳其人斯傳潛固屈宋故墟濬啟名賢挾册
如林懷經成市亦幾琳瑯觸目矣延祐間波臣與民爭
土邑乃播遷文獻殘逸碑版沈沒莫考累代傳文遂如
牛宮之水螿埴之林不能浮天谷王拂日若木良可痛

潛江縣志

卷十九

藝文志上

一

惜故舊牒所載皆百年以內書寔無荒落兼之簡拔弗
精莠苗莫辨似非所以清源流而光簡册也爰按諸國
史稽諸家乘歷來詞客賢尹之所撰述若詩若文其隨
事因類者已散載各卷茲復採掇往近體什附以閩秀
錦文椒頌史不廢書義例然耳奏疏傳記書序雜著有
關於興革之數風化之原而言尤雅馴者錄之以備故
實寔嚴勿濫寔約勿冗雖有十城之珠不敢紆樓船而
過之其亦觀要貴博觀書貴要之意作藝文志

詩

閩秀附

漢水傷稼

并序

唐許渾

郢州刺史

此鄉雖自夏無雨江邊多穡油然可觀秋八月天清日朗漢水泛濫人實為災軫念疲羸因賦

四韻

西北樓開四望通殘霞成綺月懸弓江村夜漲浮天水澤國秋生動地風高下綠苗千頃盡新陳紅粟萬箱空才微分薄憂何益卻欲回心學釣翁

漢水

宋蘇軾

眉州

捨棹忽逾月沙塵困遠行襄陽逢漢水偶似蜀江清蜀

潛江縣志

卷十九

藝文志上

二

江固浩蕩中有蛟與鯨漢水亦云廣欲涉安敢輕文王化南國遊女儼如卿洲中浣紗子環佩鏘鏘鳴古風隨世變寒水空泠泠遇之不敢慢竚立整冠纓

贈南華翁林子山

宋畢漸

邑人

兒童聞說子山名將謂先生是古人海上偶經仙洞府巖前猶見玉精神南華久徹逍遙夢兜率重來自在身攜得新詩天上去不教孤負到全閩

按陳子兼捫蝨新話載畢狀元漸使福建日嘗按部過羅原時南華翁林子山致仕居南華洞年已八十餘以詩迓之有當年春榜首傳名對御如君有幾人之句畢公和贈此篇人言畢狀元眉目如畫詩詞亦

自清拔今青瑣集中多載當時諸公贈子山詩而獨無此詩故記于此以補青瑣之闕公潛人也自潛爲新邑舊牒散亡公之文行遂略不可考爰搜別帙得此篇亦鄧林之一枝云

江漢歌五首

明童承叙 沔陽

沔陽之水接潛沱撥漿仍衝三澨波行吟詞客遠遊去
卧聽孺子滄浪歌

荆山郢樹照南洲江漢滔滔天際流神女不來雲雨暮
騷人一去蕙蘭秋

漢水西從嶓嶭流蜀江東連雲夢洲有時蛟龍鬪風雨
恍惚疑是楚王遊

潛江縣志

卷十九

藝文志上

三

清江抱村村樹齊水風不動浦雲低嬌女刺船深港裏
聞歌只在芰荷西

漢水東連吳楚中陽翟買船呼北風船頭帆擁浪花白
柁底纜牽菱葉紅

潛江憫澇

明張居正 江陵

水囓平隄沙岸迴野田空見荻花開江濤挾雨秋仍壯
旅鴈衝寒暮獨來歲晚風霜歆客枕夜深燈火傍魚臺
悲時亦有江南賦愁聽荒城鼓角哀

送初幼嘉

言

孝廉還潛江三首

前人

燕子重來二月初翩翩意氣曳長裾金門未獻甘泉賦
宣室何人問子虛太乙夜然東壁火天池時化北溟魚
乾坤歲歲浮春色環佩相將侍禁廬

黃鶴樓中憶舊行白蘋江上此離腸天邊日氣殘鳩鵲
帝里重華照驪驪燕士從來先郭隗漢庭那得老馮唐
思君何處堪情切草色青青滿建章

秋深鴻雁落汀洲嘹唳西風動客愁月下綠尊同郢曲
天涯青眼對吳鉤蕭關笳鼓驚寒柝澤國芙蓉念傲裘
愛爾明珠羅萬顆逢人莫向暗中投

潛江縣志

卷十九

藝文志上

四

送張少渠

師載之鄞

前人

客路悲千里離旌指四明風烟連澤國秋雨緩王程迢
遞雙鳧遠翩翩一鶴輕碧雲搖落候相送若爲情

潛江阻雨時奉使交趾

明魯鐸景陵

連日南榮足雨聲朝來猶未見朱明親闈引首才三舍
王事驚心第一程文錦被寒迴短夢素琴絃澁負長清
客懷自與愁相值曉鏡真堪白髮生

自潛江登舟詣景陵

明楊琚大參

纜罷荆襄馬上遊寒風卻棹沔陽舟蒼波碧浪三灣晚

白草黃蘆兩岸秋日落櫓聲驚宿雁月明笳韻起眠鷗
榜人欲識旬宣意王澤應教廣布流

舟過潛江白泐驛

日斜月已生一片波光白風氣入夕加漲流響瀟瀟卸
帆買魚船投港遠歸客隔水聞漁歌數聲天地窄

丙辰大計為含沙所中量移而歸途中口占十首

遺潛知己

潛江知縣 王念祖 武進

棄置何須問招尤早自知大都用我法總不合時宜民
事痼瘵隱君門道路迷微臣心匪石百折恐難移

潛江縣志

卷十九

藝文志下

五

出山各有為吾意在蒼生飢渴真由我憂勞豈愛名初
心能不負去國亦為榮所恨時多難三年績未成

漢水分流遠皇恩賜決排

以嘗奉旨開故

古今詎異勢

昔以景民告開

今以景民議塞

遠近故相猜啼口終難掩

泗港故道而欲塞

癰瘍曷任

開

趙林決口而不築 讒言別有為實豈剝膚災

榜余罪者以開泗港為首

荏苒頻受警吾計欲擒王餘黨開三面清謠滿一方情
經百審定勢挾萬金狂狡免誰為窟鷹鷂反見傷

希望為

罪之二

三年甘况瘁兩事揜平生未當遷人罪翻成戇吏名憂

以冤盜沈

兼勞可惜心與跡俱明去去吾何憾飄然兩袖輕

量移灰未冷慚負上人知推轂情方切

院司道府一時無不謬舉者

含沙事獨奇大權誰得假公論竟難持

司府力辯不解

破在何

當惜能無世道悲

倔強流俗駭謠詠楚人風竿牘胡相絕交遊盍稍通民

情差不負身計實非工莫訝悠悠口唯然道合窮

丁時吾獨否作活水波中僅免亡溝壑

巡歷隄堦幾沒者再

長驚

聚蟻蜂

大盜時有報復之謀

共憐投吏網自謂脫藩籠欣喜生還

日迂迴路未窮

潛江縣志

卷十九

藝文志上

六

平生羅百變似此政尋常身外功名幻塵中歲月忙清

華原夢斷閒冷亦途長誰解狂生意開籠放鳥翔

一行爲下吏樂事總相違詩酒情都遠湖山夢到稀浮

雲迷白眼行色變緇衣自此菱溪上茆茨且息機

送王孝先明府左遷還毘陵

張承宇

邑人

擬向君門借寇恂胡然頓起庾公塵躬還吳下名還楚

罪在官中功在民一郡淚隨千里水三年恩剩百花春

浮雲寵辱何堪問可奈蒼生屬望身

送柴慎菴

恪

人計

時令無錫

明

王穉登

太原

仁風三載徧梁溪陌上甘棠蔽芾齊馬首河山三晉北
日邊宮殿五陵西政分宓子琴中治名共田郎柱裏題
二月春風歸及早蒼生何限望雲霓

天啟二年郵典下柴慎菴先生得贈璽丞讀令子

如卿吉卿所示仁孝錄賦贈

明譚元春 景陵

六年清白吏幾日部郎官遷客遭何偶明君報已難九
原懷侘傺三聖事辛酸簪履存前詔絲綸煥後觀精忠
依廟社魂魄肅衣冠榮彼墓邊草羨君塔下蘭有情陳
小疏無事客長安五色雲交覆焉知薤露溥

潛江縣志

卷十九

藝文志上

七

宰豐縣有兄弟訟者會其母以貞節當旌書此論

之 見徐州志

李崇信 邑人

五倫有夫婦長幼非細故一爲物所移骨肉永弗顧從
一以俟死孑然見裙布北堂媿儀型勿俾鬚眉惡

己卯秋闈

昌吉

與子

增姪 璫環

同雋楚王公讌賜

詢先德卽席賦獻

劉昌吉

邑人

明問恭承內使宣焚薰拜手倚宮傳徇公職父前廷尉
許國臣兄古孝廉家世敬官生事少詩書奉教力田先
自惟聖主賢臣福犬豕捐糜敢負天

癸未舟中聞邑人歐陽峒嘯燧罵賊遇害孝廉朱

符禺士完以不欲辱賊死 前人

死生大義抱孤城吾黨欣傳未死名官起專經差不辱

謂峒材高異等宰相成謂符禺血流數斗文章在氣蓋千

尋海嶽清會向冥途修世好通家慰藉各分明峒嘯歐陽觀泉

公子早孤父事先中憲先中憲教訓之以成符禺之先人亦先中憲弟子

大水歎 歐陽丞邑人

水不含和莽傾注下遣天吳非帝怒陰陽回薄自無心

萬物遂云爲我故土偶人兼木偶人相惜相嘲無是處

潛江縣志 卷十九 藝文志上 八

蟻子浮沈杯水間世界寬平了未悟禾黍芘芘給甚須

已生已養農夫悞點漆丹砂結實齊豈肯區分勤愛護

瞬目張喉關五行儒者紛紛爭理數有人在下我不輔

幾日平章課失度欲笑不得泣不可怨之不敢孰敢訴

水火刀兵劫等耳殺人如草誰會怨開落還隨陌上花

沾濡亦有枝頭露遽然大覺仰視天白鳥漠漠飛過田

老農歎 前人

老農見客不暇哭牽我衣裳語陸續此身幸免走跋跋

有室依然如轉燭我財雖等官家財官家取我無時足

江邊小艇泣明月肥牛原上戀瘦犢人出公門意氣驕
近之不敢矧敢觸愛惜田園亦等閒訟入公庭那得出
此方之人何苦辛此時之心焉係屬笑而不答我心苦
呼兒掩門聽我語兒驚反走掩口啼籬頭蕭蕭來風雨
一樣南人面貌同學操北音咬似虎羣鷄亂叫飛上樹
轉手縛鷄恣喧怒主人塞默無顏色亭長牽之使出戶
氣息纔通言未了抽刀亂打聲無數塘兵月米持大升
官兵曳船要夫去

秋田歎

劉肇國 邑人

潛江縣志

卷十九

藝文志上

九

禾苗猶在田借貸輸官稅積雨失隄塍占天猶望歲風
飛羽檄馳星速軍需繼奉法寧浮額急公增協濟隨時
巧立名頭會非常例所願西成時水田猶歛穡詎識馮
夷心漸爲汜濫勢蓬簷浮芟荷一望天無際餒死復何
言幸生亦累贅負逋不得償取索方無藝水面扁舟來
里胥色甚厲軍行急預支官長抉雙背入市早爲謀勿
致相連繫臨風無一言望若揮長涕

時宰邑者臨海葉公臣遇

送別韓晴嵐明府

劉珪 邑人

幾載潛陽尹言歸及此時行囊無長物父老有遺思宦

海波原險公以清廉不合時宜去冰壺操莫知分襟多少淚揮灑

在江湄

康熙甲辰春二月園丁充西征運夫秋盡未還哀

其婦之哭也作征婦吟四首 朱士尊邑人

桃李初華卽遠征蹉跎霜萼又含英筵筭難卜歸人候
蟋蟀誰憐永夜聲廟算未陳平治策將軍空築受降城
無端頻向江干望但見天邊雁字橫

傳聞水漲南陽河郎渡河當未漲麼天子英同漢武帝
將軍勇似趙廉頗三年介冑思歸馬四海瘡痍祝止戈

潛江縣志 卷十九 藝文志上 十

倘得瓜期人蚤代還家教妾唱饒歌

思夫千里罷鳴機砧杵聲高月不暉老至難充周爪士
人來不寄蜀當歸可憐西去無東作又聽秋殘著夏衣
昨日凭橋臨水照不知首上已蓬飛

送郎和淚渡西陂膽落農人伴虎羆縱過豐林難避暑
可憐負米不療飢頻看白骨埋青嶂遂使狐衣泣豹皮
介士尙須堅百戰窮巖猶未建降旗

甲辰夏六月霪雨連旬軍興未輟旣腹枵于輸輓
復膽落于追呼漫成西山三首 前 人

干戈爲夢菜爲顏
吞紙終難裨食艱
楚國悲秋惟宋玉
漢庭雪涕有君山
雀彈未必非珠墮
殷馬誰云與璧還
不是弦聲驚隊羽
瘡鴻原自怯虛彎

盤溪歷盡此孱顏
驤首雲中陟步艱
半夜走燐催急雨
一軍傳煦欲漂山
但聞河漲深無渡
遂使征人去不還
聞南陽河水漲連天湖者無算
太息哉生經兩朏
茅簷不掛一輪彎

何日相逢一破顏
天心此際倍多艱
未容狐鼠潛秦地
又見欃槍照楚山
西寇李闡之裔
石燕每思將雨至
土龍常恐帶珠還
荷鋤縱切同仇意
鑄得金弓不可彎

潛江縣志

卷十九

藝文志上

十一

前題次韻

張締之 邑大

暑雨何關慘阻顏
邊庭供億轉輸艱
貧村煮水愁通屋
倦旅穿珠淚過山
數戶殘丁惟老在
幾家孳甲望征還
泥零負弩傷孱弱
爲國寧辭借半彎

前題次韻

廖燧 邑人

黃金難鑄一愁顏
藉照茅廬海日艱
圖寫流亡朝北斗
陣開雲鳥駐西山
田間點點波潏折
雨裏紛紛檄往還
生女鬻來輸國賦
何曾出閣惜弓彎

河決京山

潛江知縣

王又旦

襄樊東下波漸漸高風吹浪幾時恬百川之長背卑謙
五月五日憂如惔二女擁佩手摻摻黑旗阜幢錦作幘
乃與土德有猜嫌欺爾微弱較鈍銛山崩厓圯勢不淹
滔淪瀛瀛驚觀瞻大呼其類無巨纖獷獺鯨鯢魴鱖鯁
六眸三足奉令嚴河伯破礮衣襜襜瀟瀟澎湃意不厭
若通項冥威勢兼乃使神蜃肆詖檢招屏翳遂遣飛廉
望舒離虎警夜占長雲不斷雨霖霖十旬茫昧烏與蟾
地軸坼裂如縞縵泣訴于帝乞光炎帝曰彼勢不可鉗
奔逸不異馬脫柑潛灑之波冬自潛郢南災祲日益添

潛江縣志

卷十九

藝文志上

三

有田無歲不蒼蒹修築徒勞邑中黔惓惓忽忽野無藪
五才遞用亦互殲嗚呼其苦在茅檐

趨起

時患疾居隄上

前人

趨起趨起滯于漢浦十日邁疾有懷自撫塊鞠而宿倚
人而偃不敢告勞猶行中野繁思無方其紛如縷矻矻
楫楫亦莫可補荆棘刺天平路伊拒相彼詰曲手無利
斧譏譏之言孔多于下不任我力實來眾煦求甘食蓼
不如種杜庶幾旋歸志在林莽

五月憩于堂

憩于堂不能
退食于室也

前人

煩溽晚未歇城柝無多晷慊慊我何心竟夜頻坐起物
昕澣日動胥隸侍如壘簿書自回亂倉皇昧憂喜巫馬
庶可學伐檀夙所恥平疇走天吳沈溺到稂秕荒政靳
寬典時艱未堪弭王事重轉輸督責豈得已展我蘄州
簞欲憇還復止薄俗善謠詠紛紛無一是中懷誰能知
請諒荷蓀子

多雨二首

前人

彌望陂塘滿冥濛二月昏神龍驕不去水鳥散還翻煙
冷全無食籬疎半閉門聖朝憂害稼執政肯輕論

潛江縣志

卷十九

藝文志上

三

萬慮惟搔首哀歌意更賒高天如有漏積水總無涯野
宿逢枯葦朝飡傍蔣牙最憐防漢漲版築數千家

雨中大水決隄聞王幼華

又且

明府奔走隄上憂

勞已甚詩用相寬

三原

孫枝蔚

豹人

卑溼潛江縣終朝雨滯淫陽烏常失意神女定何心村
有蛟螭橫堂無燕雀臨裘真披五月壺果值千金隄決
隣相報途窮我自尋老看江滾滾愁益病泔泔列子未
能學鄭子陽輸粟于武城良所欽故人百里宰新罷七
絃琴但想蠲租詔如聞解慍音箜篌歌易就精衛力難

任夢訝波濤前數日幼華爲余述夢頗以大水決隄爲慮憂兼簿領深流

離悲赤子佻達憶青衿貧苦原從昔勤勞直至今高才

一作吏那得更狂吟

雨中聞水漲遣悶二首 前人

陰雨何時霽蛟螭橫作威蘇秦金已盡阮籍淚常揮白

髮愁中滿朱顏病後非連天惟漢水心怯敢言歸

五月寒如此風聲怒水涯楚天疑有漏澤國半無家浩

歎樓中客長啼廟後鴉石榴太輕薄屋角徧開花

漢水 前人

潛江縣志 卷十九 藝文志上 西

江流闊南紀漢水滯東歸已報長隄決還愁小艇稀黑

雲朝不散白鳥夜難飛夏與冬無別何勞製葛衣

大水後呈王幼華明府 前人

年少長安得意人于今憔悴復清貧竟同飯顆山前叟

幼華行隄視水歸來亦甚瘦邠識河陽縣裏春自決新隄詩更怨相

逢舊好酒須醕可憐常抱文書寢誰解輕裘覆爾身

水上呈幼華明府 周廷彬 邑人

漢水自西下堰檢俾東折艮岨坎勢窮峻嶒百重絕出

險潛沔合竹箭迅飄瞥至此山將盡怒濤易奔決上潰

下則壑同災宜共憒波豪忽吞噬國小易陵蔑版築委
一方彈丸薪石竭及此再潰時彼此皆魚鼈皇皇我公
上至仁伏敖桀修扞今則平成功肆懌悅

潤下稱坎德朝宗紀水治龍門河渠書蘭臺溝洫志古
來重其職京縣理無異王臣融畛域况乃皆國事儲胥
與民命俯仰于斯寄矢公復矢慎底績萬年賜

田下水身高奔注如騰驤人力與之爭兩岸峻隄防一
區防一區人自護其疆澤國誰昔然古謀豈不臧今云
保門戶家室委懷襄耒耜載異縣眸瞻懸故鄉正月尙

潛江縣志

卷十九

藝文志上

五

斥鹵三月桃花浪止者行復流流者復何望溝壑不足
恤殿最亦可商君門遠萬里况乎階與堂君子方得輿
庶幾速降祥

當年沙洋潰浩瀚殫千里江陵張相國已溺以爲恥沈
玉拳長菱功成比瓠子晏然數十年春崩將告圯賢哉
二千石馬公逢幹其否榘石築危岸至今巋然峙雙閣

亘天中宣房差可擬

清惠林司馬

文

蒞事凜冰蘖往時黃灣口數里悼溟沈

公日時予辜黽勉廢眠啜令下權聲動萬杵雷奮擊役

曾不踰時功與沙隄埒埒億兆歌如雲兩賢躋峻列今茲
復逢公前後合芳輶

隄再決八首

朱士尊 邑人

餘生當此日幽憂遂終始逸身本無技牛衣泣妻子蚤
知虧一簣何如一簣止

豈不適樂郊何處覓安宅記自戊戌來家家廢襪襖誰
復計三秋今已無二麥

猶然古嶠冢浩浩至大別猶然昔潛江赤子化魚鼈拯
溺當有道胡爲罪蟻穴

潛江縣志

卷十九

藝文志上

七

野雀動成羣息羽簷邊立怪我厨煙冷詫我聲於邑與
爾共長飢羨爾無徭役

習俗謀生計精神田宅裏豈知蘋衣人盡是紈袴子嗟
哉連阡陌在在竭人髓

年年事版築窮民趾欲穿河伯何太侈易視此金錢金
錢輸在官兒女已各天

東流何日盡搔首向河湄谷陵非無意滄桑應有期寄
語布穀鳥農夫已流離

四野炊煙斷淋淋雨不休奈何當夏日凜凜似深秋子

遺尙不念視民如蟬螻

吾生篇

莫與先 邑人

吾生一腐儒抱經兼學稽躅虞迫頽齒母也耄且耄追
惟牽絲年嬰疹動顛蹙卧視凋边民念之腸内熱竊追
尸位罰懣然籍有黑日歸稼下地水潦謹坊畷亢暵殊
不料澤腹盡坼裂徂秋埜田空黃雀徒喑喑年年汎舟
役潛水南支竭既乏肇牽資孰尋乾餼責揚袂安所如
誑飢謀已拙符訾非土產亦未饒榆屑廣枯肺半灼麴
敗喉全螫此物既充糧踊貴等一切草木幸有根詫見

潛江縣志

卷十九

藝文志上

七

恣採掘詎諳伊耆經罕究汜勝筴爲毒則已矣無害苟
日月吾廬恒晝揜木落蟬秋咽飢烏啄我屋龕嘯繞坐
側可笑門東兒劇啼碎盜鬲平頭數百指痛於塞垣客
流迸從所務新主卿審擇顏厚語誦誦緩死指牟麥踐
踐此卒歲種種難具說歲改蟄漸啟野梅香遠洩訪梅
洄東隣乍喜麥穎折吾弟散朗人來往同步屨老母頗
愛梅一嗅發愉色譽麥向妻兒聊慰忍匱闕匱闕卹可
忍天事有叵測是夜風雨惡礮礮吁可駭霾曠且淹旬
硬雨 雹也交積雪朝來田父泣薪薪若抽磔縱然及首夏

何以飽賢憂惜哉青帝權而爲司寒竊二老訝未曾雪
到牛肝沒巖颯穿縕裔指直不得結樵蕪道復蠶勞薪
遠莫擷冰推中林條稍稍事楫柁苦寒亦慙爾放愁實
未得僵卧了無營開帙脊兩睫恥逢雒合埽翻憶漢使
嚙遙憐隴頭水千里墟煙歇近聞武谿深鼓鞞方震疊
臺軍上牢屯凍疥緣帶嶮嶮條挂解壁科歛溢符牒哀
哀寡婦哭高高部罔徹大運自古來吞聲泣勿啜

河上謠四首

劉璇邑人

昨夜決河東今日河西潰三冬謀食役且耕都在別鄉

潛江縣志

卷十九

藝文志上

文

貸纔得隄成麥始黃一穗不得刈久謂他人昆久謂
他人父使君濫語招我歸念我流離苦不如生別在他
鄉淚迸落乾土河水難充飢河水難充稅不忍遁逃
負使君點金殊無計縱使行善及枯骨汪洋何處瘞
急流高一丈白沙淤九尺鼉爲洞兮蛟爲宮瀦我田與
宅我生胡爲丁此厄愁死復愁役

流亡歎

李世儒邑人

側徑無停輪危巢有迅翼吁嗟彼流人一去不回或黃
鳥良願違北風亦心惻蹲鴟大如斗聊復緩飢色東魯

有遺俗尼父重去國周道倘雲散避地將無亟善學柳
下者可爲智士式

水上雜詩四首

歐陽錫疇 邑人

天心未厭亂泝水仍橫流赤日魚龍舞青林蠓蛤遊萍
花依短榻帆影走高樓寥落悲生事無門可訴愁
風雨夜淒淒遙聞四野啼有天難置問無地得安棲兒
女聚盂飯雞豚爭尺隄書生空淚灑何策救烝黎
一峯橫遠岸萬水遶孤村是處橋梁沒誰家戶牖存
鼃吹駭浪罔象嘯黃昏租吏偏麤膽追呼夜到門

潛江縣志

卷十九

藝文志上

九

落落此身在如雲不繫天老人惟一卷窮我是多田東
手但愁坐埋頭姑醉眠還將流水意寫恨按朱絃

維潛贈王幼華明府

十一章
章四句

黃里 沔陽

維漢有潛維江有沱既見君子我樂如何一何川無楫
何阪無車匪駕匪游胡爲徐徐山不能高澤不能深
山澤之氣膚寸觸陰有碑在輿有典在冊我誦我吟
未嘗間隔我之懷矣云胡不歸敢以愆期負此良媒
夫子之惠羣黎爲德子弟田疇是訓是殖夫子之
守不違其素匪茹彼柔惟剛不吐夫子之文爲章于

天寘諸周行清風穆然 帝奏謨韶王陳幽雅洋洋嘉
言歛笙酌筭 載紀循吏爰重儒林瑟彼玉瓚匪楚之
琛 野老所欣實維稼穡願受一廛憩此樂國

附 閨秀

閨中雜詠

選六首

憶母

張氏

邑人張徵君承宇姊

執手別來歲幾周白雲親舍夢悠悠異鄉恨少書魚雁
故國愁多風馬牛淚雨相隨枕畔夜鬢霜獨對鏡中秋
近來添得心頭苦聞說離家更遠遊

潛江縣志

卷十九

藝文志上

三

燈前

愁來夜永未成眠挑盡殘燈檢舊編班女繼兄成國史
木蘭代父淨烽煙懶將脂粉同兒女恨不鬚眉學聖賢
奄奄藥餌惟多病跼踖閨中了百年

感燕

九十春光去庭前看燕飛啣泥辛苦意感激憶慈幃

讀詩

病廢機梭老廢蠶牙籤煙墨性偏耽唐詩元曲都收捲
且向紗窗讀二南

慰夫

香山集裏常稱病子美詩中屢歎貧斗酒百篇猶自足
何須屑屑苦吟呻

讀史詠子房

子房稱病藏機早只待功成辭漢家已復韓仇無所事
此心原自在煙霞

題閩中雜詠後

有序

張承宇

邑人

閩中雜詠者吾姊之所作也姊幼慧工詩適荆
門王生伯每有事筆硯輒焚之年五十始寄余

潛江縣志

卷十九

藝文志上

三

詩一帙余卒讀爲題其後

杜陵有妹在天涯姊亦荆門少見時三載素書惟寄淚
兩頭白髮始傳詩誰知閩閣能高適翻覺鬚眉愧左思
天壤王郎殊足賴莫因咏雪便相欺